

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine (Službene novine Federacije Bosne i Hercegovine broj: 12/03, 34/03 i 65/13) a u skladu sa Zaključkom Vlade Bosansko-podrinjskog kantona Goražde kojim se utvrđuju Kriteriji za imenovanje na poziciju direktora broj: 03-30-1482/21 i u vezi sa Zaključkom Vlade Bosansko-podrinjskog kantona Goražde broj: 03-30-1482-1/21 od 27.08.2021. godine o raspisivanju oglasa za izbor i imenovanje direktora Agencije za privatizaciju Bosansko-podrinjskog kantona Goražde, a u skladu sa članom 22. Stav 5 Zakona o državnoj službi Bosansko-podrinjskog kantona Goražde (službene novine Bosansko-podrinjskog kantona Goražde broj 3/18,6/20), Vlada Bosansko-podrinjskog kantona Goražde objavljuje:

JAVNI OGLAS

Za izbor i imenovanje direktora Agencije za privatizaciju Bosansko-podrinjskog kantona Goražde

1. OGLAŠAVA SE POZICIJA:

- Direktor Agencije za privatizaciju Bosansko-podrinjskog kantona Goražde

2. OPIS POZICIJE:

Direktor Agencije za privatizaciju Bosansko-podrinjskog kantona Goražde (u daljem tekstu Uprava) nadležan je da :

- neposredno rukovodi Agencijom;
- zastupa i predstavlja Agencijom;
- organizuje vršenje svih poslova iz nadležnosti Agencijom;
- donosi propise i druge opće i pojedinačne akte u skladu sa zakonom, podzakonskim aktima, Statuom Agencije i Pravilnikom;
- odlučuje o zapošljavanju i raspoređivanju zaposlenika;
- odlučuje o pravima, dužnostima zaposlenika iz radnog odnosa ili u vezi sa radnim odnosom;
- odlučuje o korištenju finansijskih i materijalnih sredstava za koje je nadležan;
- odgovara za zakonito vođenje materijalno-finansijskog poslovanja Agencije;
- predlaže Upravnom odboru donošenje opštih i pojedinačnih akata iz nadležnosti Upravnog odbora;
- predlaže Nadzornom odboru donošenje opštih i pojedinačnih akata iz nadležnosti Nadzornog odbora;
- osigurava pripremanje materijala, potrebnih stručnih i drugih informacija za raspisivanje i odličivanje na Zpravnom i nadzornom odboru;
- provodi odluke, zaključke, i druge akte Upravnog i Nadzornog odbora u vezi djelatnosti Agencije;
- donosi odluke, zaključke i druge akte u skladu sa zakonom i Statuom Agencije;
- sprovodi odluke, zaključke i upute Vlade kantona;
- obavlja druge poslove utvrđene zakonom, Statutom i drugim općim aktima Agencije.

3. MANDAT

Mandat Direktora traje pet (5) godine, uz mogućnost ponovnog imenovanja.

4. OPĆI UVJETI

Kandidat za poziciju Direktora Agencije za privatizaciju Bosansko-podrinjskog kantona Goražde dužan je ispunjavati slijedeće uvjete:

- a) da su stariji od 18. godina;
- b) da nisu otpušteni iz državne službe kao rezultat disciplinske mjere na bilo kojem nivou u BiH u periodu od 3. godine prije dana objavljivanja upražnjene pozicije (ovjerena izjava);
- c) uvjerenje o nevođenju krivičnog postupka, ne starije od 3 mjeseca (Općinski ili Kantonalni sud)
- d) da se na njih ne odnosi član IX 1. Ustava BiH (ovjerena izjava);
- e) da ima opću zdravstvenu sposobnost za obavljanje navedene pozicije,(ljekarski nalaz ovlaštene ustanove priložiti samo kandidat koji bude imenovan za direktora);
- f) uvjerenje o državljanstvu (ne starije od 3 mjeseca) ;
- g) izvod iz matične knjige rođenih(ne starije od 3 mjeseca);

5. POSEBNI UVJETI

Pored uvjeta iz tačke 4. Oglasa, kandidat mora ispunjavati i slijedeće uvjete:

- a) VII stepen obrazovanja ili visokog obrazovanja, I II, ili III ciklusa Bolonjskog sistema studiranja koji se vrednuje sa najmanje 240 ECTS bodova, društvenog , tehničkog ili drugog smjera;
- b) najmanje 3 /tri/ godina radnog iskustva;
- c) poznavanje rada na računaru.

6.POTREBNA DOKUMENTA

Uz prijavu na Javni oglas, kandidati su dužni dostaviti dokaze o ispunjavanju općih i posebnih uvjeta (original ili ovjerenu fotokopiju). U prijavi koja sadrži kraću biografiju, kandidati su dužni naznačiti adresu i kontakt telefon.

7. PODNOŠENJE PRIJAVE

Prijave sa traženom dokumentacijom, lično ili putem pošte, dostaviti na adresu:

Vlada Bosansko – podrinjskog kantona Goražde, 1. Slavne Višegradske brigade 2a, Goražde.

Sa naznakom: „Prijava na javni oglas za izbor i imenovanje Direktora Agencije za privatizaciju Bosansko-podrinjskog kantona Goražde – NE OTVARAJ“.

Javni oglas ostaje otvoren 15/petnaest/ dana od dana posljednjeg objavljivanja, a objaviće se u “Službenim novinama FBiH”, dnevnim novinama „Avaz“, na službenoj web.stranici Vlade BPK-a Goražde: www.bpkg.gov.ba i Službenoj oglasnoj ploči BPK-a Goražde .

Neblagovremene i nepotpune prijave neće se uzimati u razmatranje. Kandidati koji budu stavljeni na listu sa užim izborom bit će pozvani na intervju pred komisijom. Sve dodatne informacije možete dobiti na službenoj web.stranici Vlade BPK-a Goražde: www.bpkg.gov.ba, Oglasnoj ploči BPK-a Goražde ili direktno na kontakt telefon: 038/221-212.

Broj: 03-30-1482-4/21

14.09.2021. godine